

REFERAT AIA - Aningaasaqarnermut Inuussutissarsionermullu Ataatsimiititaq d. 07-07-2021

Mødedato Onsdag d. 07. juli 2021 kl. 18:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Esani A/S, aktiaatinik tuniniaaneq aamma sanaartugassanik ingerlatseqatigiiffimmut nuussineq.....	6
Lukket.....	9
Taasariaqartut allat.....	10
Imaqarniliap akuerineqarnera.....	11

Punkt .: Saqqaa

Medlemmer

Charlotte Ludvigsen (IA) *formand*

Justus Hansen (D)

Juaaka Lyberth (IA)

Uju Petersen (IA)

Ken Madsen (N)

Martha Abelsen (S)

Inga Dóra G. Markussen (S)

Beslutning

Peqataavoq:

Charlotte Ludvigsen (IA) *formand*

Juaaka Lyberth (IA)

Martha Abelsen (S)

Inga Dóra G. Markussen (S)

Attaveqaatitigut peqataavoq:

Justus Hansen (D)

Uju Petersen (IA)

Ken Madsen (N)

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Punkt 1: Esani A/S, aktiaatinik tuniniaaneq aamma sanaartugassanik ingerlatseqatigiiffimmut nuussineq

Beslutning

Inassuteqaatit akuersissutigineqarput, inassuteqaammik ilanngussisoqarluni, ikuallaavittaassap isikkua akuerisassanngorlugu Aningaasaqarnermut Inuussutissarsiornermullu Ataatsimiititamut saqqummiunneqassaaq.

Bilag

Aktiaatit pillugit pisinermut isumaqatigiissut

Piginnittuunermut isumaqatigiissut tapiliussartalik februaari 2019-imeersoq

Illup B-2371-ip, Pukuffik 2, 3905 Nuussuarmitup pigineranut uppersaat

Ileqqoreqqusami iluarsisat ersersinneqarput

Esani A/S, aktiaatinik tuniniaaneq aamma sanaartugassanik ingerlatseqatigiiffimmuut nuussineq

Aalajangiiffigisassaq

Suliap ilisarnaataa: SagsID.: EMN-2021-12896

Suliffeqarfimmuut Kiffartuussivik – pisortaanerugallartoq Marie Fleischer / MAFL

Inassuteqaat

Suliffeqarfimmuut Kiffartuussiviup Aningaasaqarnermut Inuussutissarsionermullu Ataatsimiititamu inassuteqaatigaa:

- ileqqoreqqusani aamma suleriaasissani allaffissornikkut annikitsumillu iluarsisat akuersissutigineqassasut,
- Kommuneqarfik Sermersuup illu pigisaa B-2371, tassa maanna Nuummi ikuallaavittut atorpeqartoq Esani A/S-imut akeqanngitsumik tunniunneqassasq, cvr. 40351655.
- Avannaata Kommuniata Esani A/S-imit tunuarnerani aktiaatai sisamararterutaasut, kisitsisinngorlugit 100.000 kr., Kommuneqarfik Sermersuup tigussagai akuersissutigineqassasq.
- pappilissat atsiortariaqartut atsiorneqarnissaannut borgmesteri aamma kommunaldirektøriugallartoq pisinnaatinneqassasut.
- kommunip Esanip siulersuisuani issiatitaa tassaassasq Sanarfinermut Avatangiisinullu Ingerlatsivimmi pisorta.
- suliaq ilisimatitsissutitut Kommunalbestyrelsimut ingerlateqqinneqassasq.

Suliassamik saqqummiussineq

Ikuallaavissap Esani A/S-ip sanaartortitaata inissisimaffissaa oqallisaangaatsiarpoq aamma Qeqertani inissisimaffissaa eqqarsaatigalugu tusarniaanermut akissuterpaalunnik takkuttoqarnikuvoq. Tamatuma kingunerisaanik nalileereernikkut inissisimaffissaa pitsaanerpaaq tassaassaaq, maannakkut ikuallaaviup inissisimaffia.

Tamanna pissutsinik pingasunik peqquteqarpoq: Siullertut inissisimaffia (toqqavia) ikuallaavimmuut atugassanngortitaareersuuvoq, taamaammat nutaamik/immikkut ittumik kommunimut pilersaarummut tapiliussassaliortoqartariaqarani. Aappaattut ikuallaavik avatangiisinut tunngatillugu akuerisaareersuuvoq. Pingajuattut mingutsitsisoqarsimassappat ikuallaaviup nutarterneranut/isarterneranut atatillugu isumagineqarsinnaavoq.

Illu pigisaaq, tassa Nuummi ikuallaavik pineqartoq, Kommuneqarfik Sermersuumit pigineqarpoq. Siunnersuutigineqarpoq illu pigisaaq taamaatsillugu allanngortinnagulu toqqavia ilanngullugu Esani A/S-imit alakkarterneqareersimasutut, toqqammavia, qarmat kikiattuunneqarsimasullu ilanngullugit, Esani A/S-imut tunniunneqassasq, matumani ikkussukkat ledningillu suulluunniit, kiisalu illutut pigisamut attuumassuteqartut ilanngullugit.

Illu pigisaaq pisinnaatitaaffiit nalunaarsorsimasut nalunaarsorsimanngitsullu aamma pisussaaffiit suulluunniit ilanngullugit tunniunneqassasq. Pisisup illuliorfigineqarsimasooq atuinissarlunaminertamik atugassanngortitsinerumut piumasaqaatit kingunerisariaqagaat, atuinissamut pilersaarutit, najukkamut pilersaarutit assigisaallu pillugit killiliinerit taamaattut ataqqissavai, killiliinerit taamaattut nalunaarsorneqarsimanersut taamaannginnersorluunniit apeqqutaatinnagit.

Illu pigisaq tassaassaaq Esani A/S-ip ikuallaavittaassaa nutaaq, naammassipat Kommuneqarfik Sermersuumut naleqassanngilaq, pissutigalugu illu pigisaq aningaasaliiffiqineqarujussuurtinnani ikuallaavittuinnaq atornerqartussaamat. Illu pigisaq nutarterneqassappat akisoorujussuurtut nalilerneqarpoq.

Illu pigisaq taamaamat tamakkiisumik akisussaaffigiunnaartussanngorlugu tunniunneqassaaq, pisisullu taamaalilluni akisussaaffimmik atuutsitsinissaanut periarfissat suulluunniit atuutsikkunnaassallugit, matumani ajoquteqassagaluarpat amigaateqassagaluarpalluunniit tunisumut tunngatillugu atorunnaarsitsineq, itigartitsineq imaluunniit taarsiineq ilanngullugit, matumani illup naleqassusaa eqqaassanngikkaanni tunniussinermi toqqortaasinnaasut ilanngullugit, matumani inatsimmut tunngassuteqartut pineqanngillat.

Tamanna tunngavigalugu illu pigisaq atortullu ikuallaavimmut attuumassuteqartut ilanngullugit 0 koruuneqartoq nalilerneqarpoq taamatullu naleqartillugu atugassarititaasutut piumasaqaataasutullu allanneqartut tunngavigalugit Esani A/S-imut tunniunneqarniarpoq.

Esani A/S-ip ingerlatseqatigiiffittut aningaasaatai 2 mio. koruuniupput, kommunillu tallimaasut, tassa Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq aamma Kommune Kujalleq naligiimmik 20 %-imik aningaasanngorlugu 400.000 koruuninik pigineqarluni. Avannaata Kommunia 26. novembari 2019-imi aalajangerpoq suleqatiginnikkunnaarniarluni ingerlatseqatigiiffimmiillu aniniarluni, taamaamat kommunit sinneruttut sisamaasut Avannaata Kommuniata piginnittuunerata sisamararterutaa aningaasanngorlugu 100.000 koruunit pisariisavaat. Tamatuma kingunerisaanik Esanip 2019-imi februaarimi pigineranut isumaqatigiissut kommunit sisamaasut tamarmik 25 %-imik pigisaat ilanngullugu allanngortinneqarpoq.

Ingerlatsivimmit aningaasatigut sulisoqarnikkullu naliliinerit

Aktiaatinik 100.000 koruuninik naleqartunik pisineq taamaallaat aningaasat tigorianaataasunut sunniuteqarpoq, pissutigalugu kommune aktiaatitigut nalilimmik aningaasanik taama amerlatigisunik ilaneqarami.

Aningaasartuutit allat sinneri pioreersullu Esani A/S-imit isumagineqassapput.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivik suliamut aningaasaqarnermut tunngasunik oqaaseqaatissaqanngilaq.

Inatsisitigut tunngavissaq allakkallu tunngaviusumik uppersaatitalit

Pisariaqanngilaq.

Ilanngussat

1. Aktiaatit pillugit pisinermut isumaqatigiissut
2. Piginnittuunermit isumaqatigiissut tapiliussartalik februaari 2019-imeersoq
3. Illup B-2371-ip, Pukuffik 2, 3905 Nuussuarmiittup pigineranut uppersaat
4. Ileqqoreqqusami iluarsisat ersersinneqarput

Punkt 2: Lukket

Punkt 3: Taasariaqartut allat

Beslutning

- 1) Aalborgimi kalaallit ulloqartinneqarnerat pillugu piareersarluni ataatsimiinnissaq oqaluuserineqarpoq. Aggustip pingajuanni akunnerit 1,5 - 2 miss. piareersarluni ataatsimiittoqarnissaa aalajangiunneqarpoq.
- 2) Inunnut pisuinnarnut cykelertunullu atugassarititaasut oqaluuserineqarput.
- 3) Tasiilamut nunaqarfinnullu ataatsimiititap angalanissaa oqaluuserineqarpoq. Ataatsimiititami allatsit ulluni 1.-8. septembari angalanissamut periarfissanik misissuisoqarnissaanik qinnuigineqarput.
- 4) Kulusuup Islandillu akornanni aqcutip piaartumik ammarneqarnissaa ilaasortanit taparserneqarpoq. Tamanna pillugu Attaveqaqatigiinnermut Immikkoortortaqarfik tusagassiuutinut nalunaarusioqquneqarpoq.

Punkt .: Imaqarniliap akuerineqarnera